



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐ  
ՀՐԱՄԱՆ

No 24-Ձ

«11» 06 2019

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ  
ՍՊՈՐՏԻ ՆԱԽԱՐԱՐՈՒԹՅԱՆ ԺԱՄԱՆԱԿԱԿԻՑ ԱՐՎԵՍՏԻ ՎԱՐՉՈՒԹՅԱՆ  
ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ

Ղեկավարվելով Հայաստանի Հանրապետության վարչապետի 2019 թվականի հունիսի 1-ի  
թիվ 661-Լ որոշմամբ հաստատված հավելվածի 19-րդ կետի 7-րդ ենթակետով.

Հ Ր Ա Մ Ա Յ ՈՒ Մ Ե Մ

1. Հաստատել Հայաստանի Հանրապետության կրթության, գիտության, մշակույթի և  
սպորտի նախարարության ժամանակակից արվեստի վարչության կանոնադրությունը՝  
համաձայն հավելվածի:

ԱՐԱՅԻԿ ՀԱՐՈՒԹՅՈՒՆՅԱՆ

10.06.2019

X

ԱՐԱՅԻԿ ՀԱՐՈՒԹՅՈՒՆՅԱՆ

Signed by: HARUTYUNYAN ARAYIK 1209790378

Հավելված  
ՀՀ կրթության, գիտության,  
մշակույթի և սպորտի նախարարի  
« » 2019թ. N հրամանի

## Կ Ա Ն Ո Ն Ա Դ Ր ՈՒ Թ Յ ՈՒ Ն

### ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅԱՆ ԺԱՄԱՆԱԿԱԿԻՑ ԱՐՎԵՍՏԻ ՎԱՐՉՈՒԹՅԱՆ

#### I. ԸՆԴՀԱՆՈՒՐ ԴՐՈՒՅԹՆԵՐ

1. Հայաստանի Հանրապետության կրթության, գիտության, մշակույթի և սպորտի նախարարության (այսուհետ՝ Նախարարություն) ժամանակակից արվեստի վարչությունը (այսուհետ՝ Վարչություն) հիմնական մասնագիտական կառուցվածքային ստորաբաժանում է, որն անմիջական հաշվետու է նախարարին:
2. Վարչությունն իր գործունեության ընթացքում ղեկավարվում է Հայաստանի Հանրապետության Սահմանադրությամբ, միջազգային պայմանագրերով, Հայաստանի Հանրապետության օրենքներով, Հայաստանի Հանրապետության կառավարության և Հայաստանի Հանրապետության վարչապետի որոշումներով, Նախարարության նորմատիվ ու հրավական այլ ակտերով և սույն կանոնադրությամբ:
3. Վարչությունը կազմավորում, վերակազմակերպում և նրա գործունեությունը դադարեցնում է Հայաստանի Հանրապետության վարչապետը:
4. Վարչության կանոնադրությունը, կառուցվածքը հաստատում /փոփոխում/ է Նախարարը:
5. Վարչությունը ղեկավարում է վարչության պետը:

## II. ՎԱՐՉՈՒԹՅԱՆ ՆՊԱՏԱԿՆԵՐՆ ՈՒ ԽՆԴԻՐՆԵՐԸ

6. Վարչության նպատակներն են.

- 1) իրականացնում է ժամանակակից արվեստի (երաժշտարվեստ, թատերարվեստ, պարարվեստ, կինոարվեստ, կերպարվեստ) և մշակութային կրթության ոլորտների (այսուհետ՝ Ոլորտ) պահպանման, զարգացման, տարածման և հանրահռչակման, նոր ծրագրերի, նոր գաղափարների, ստեղծարար նախաձեռնությունների ապահովումը.
- 2) իրականացնում է Ոլորտում պետական մշակութային քաղաքականության նպատակների և առաջնային ուղղությունների մշակման ապահովումը:

7. Վարչության խնդիրներն են.

- 1) նպաստել Ոլորտի պահպանման, զարգացման, և հանրահռչակման, նոր ծրագրերի, նոր գաղափարների իրականացմանը.
- 2) նպաստել Ոլորտում պետական մշակութային քաղաքականության նպատակների և առաջնային ուղղությունների մշակմանը և իրականացմանը.
- 3) նպաստել Ոլորտում իրականացվող քաղաքականության վերլուծությանը, միջազգային միտումների և օրինաչափությունների ուսումնասիրմանը, ռազմավարության, հայեցակարգերի և նպատակային ծրագրերի մշակմանն ու իրականացմանը:

## III ՎԱՐՉՈՒԹՅԱՆ ԳՈՐԾԱՌՈՒՅԹՆԵՐԸ

8. Վարչությունն իր խնդիրներին համապատասխան իրականացնում է հետևյալ գործառույթները՝

- 1) իր իրավասությունների սահմաններում մասնակցում է օրենսդրական և այլ նորմատիվ իրավական ակտերի նախագծերի մշակմանը, Նախարարին և Գլխավոր քարտուղարին ներկայացնում է առաջարկություններ արվեստի և մշակութային կրթության բնագավառներում Հայաստանի Հանրապետության օրենսդրության կատարելագործման վերաբերյալ.
- 2) պետական մշակութային քաղաքականության իրականացման նպատակով իր իրավասությունների շրջանակներում մասնակցում է իր համակարգման Ոլորտի

ՊՈԱԿ-ների (թատերահամերգային, մշակութային կրթություն իրականացնող կազմակերպություններ, կինոստուդիա, կինոկենտրոն, մշակույթի և ժամանցի կենտրոն) (այսուհետ՝ ՊՈԱԿ-ներ) սոցիալ-տնտեսական զարգացման տարեկան, միջնաժամկետ և երկարաժամկետ ծրագրերի մշակմանը.

- 3) մշակում է հայեցակարգեր ու պետական նպատակային ծրագրեր.
- 4) իր իրավասության սահմաններում մասնակցում է Հայաստանի Հանրապետության պետական բյուջեի նախագծի մշակմանը.
- 5) իրեն վերապահված լիազորությունների սահմաններում իրականացնում է ՊՈԱԿ-ների համակարգումը, ոչ ֆինանսական ցուցանիշների ու արտադրական գործունեության փաստաթղթային ուսումնասիրություններ և վերլուծություններ.
- 6) իրեն վերապահված լիազորությունների սահմաններում մշակում է ՊՈԱԿ-ների հետ կնքվող դրամաշնորհի, պետության կողմից ուսանողական նպաստների տրամադրման մասին տարեկան պայմանագրերի բովանդակային դրույթները.
- 7) մշակում է Հայաստանի Հանրապետության տարածքում հյուրախաղային և ցուցահանդեսային գործունեության ընդլայնմանը, ստեղծագործական խմբերի, մշակութային, կրթական կազմակերպությունների միջև տարածաշրջանային համագործակցության ստեղծմանն ու զարգացմանը նպաստող ծրագրեր.
- 8) ներկայացնում է առաջարկներ Ոլորտի մասնագետների պատրաստման, վերապատրաստման, վերաորակավորման վերաբերյալ.
- 9) մշակում է Ոլորտի բնագավառում պետական կրթական չափորոշիչները.
- 10) ներկայացնում է առաջարկություններ մշակույթի բնագավառում իրենց վաստակով նշանավոր անձանց և արվեստագետներին պետական պարգևների, մրցանակների, պատվավոր կոչումների, գեղարվեստական խմբերին ու թատրոններին՝ ակադեմիական, վաստակավոր և ազգային կոչման, ինչպես նախարարության պարգևների վերաբերյալ,
- 11) իր իրավասությունների սահմաններում մասնակցում է ՀՀ մշակույթի նախարարության պատվերով իրականացվող դրամաշնորհային մշակութային ծրագրերի մրցույթի իրականացմանը,

- 12) ուսումնասիրում և վերլուծում է ՊՈԱԿ-ների ստեղծագործական գործունեության տարեկան հաշվետվությունները, կազմում եզրակացություններ,
- 13) ամփոփում է ստեղծագործական ծրագրերի բովանդակային հաշվետվությունը և կազմում եզրակացություններ,
- 14) ներկայացնում առաջարկություններ պետական կազմակերպություններ ստեղծելու, վերակազմակերպելու և իր ենթակայությանը հանձնված պետական կազմակերպությունները պատմական, հասարակական-քաղաքական, մշակույթի, արվեստի, գիտության նշանավոր գործիչների և անձանց անուններով կոչելու վերաբերյալ.
- 15) իրեն վերապահված լիազորությունների սահմաններում պետական կառավարման տարածքային մարմինների հետ համատեղ իրականացնում է պետական մշակութային տարածքային քաղաքականությունը.
- 16) նպաստում է Հայաստանի Հանրապետությունում գործող ստեղծագործական խմբերի, ստեղծագործող անհատների և միջազգային մշակութային կազմակերպությունների միջև համագործակցության, կապերի և փոխանակումների ստեղծմանն ու զարգացմանը,
- 17) առաջարկություն է ներկայացնում օտարերկրյա պետություններում Ոլորտի տարածմանն ու մշակութային համագործակցության նպատակով ստեղծագործական խմբերի, անհատ կատարողների, շնորհալի երեխաների ու ստեղծագործողների հյուրախաղերի իրականացման, փառատոների, մրցույթների, վարպետության դասերի մասնակցության, ինչպես նաև՝ համապատասխան մասնագետների գործուղման վերաբերյալ,
- 18) իր իրավասությունների սահմաններում մասնակցում է միջազգային միջգերատեսչական պայմանագրերի մշակմանը, ապահովում միջազգային պարտավորությունների կատարումը ժամանակակից արվեստի բնագավառում,
- 19) իրեն վերապահված լիազորությունների սահմաններում հասարակական կազմակերպությունների հետ համատեղ աջակցում է ազգային փոքրամասնությունների մշակույթի հանրահռչկմանն ու տարածմանը նպաստող ծրագրերի մշակմանը.

- 20) ապահովում է մեթոդական, տեղեկատվական, վերլուծական և այլ բնույթի նյութերի հրապարակումը՝ ժամանակակից արվեստի և մշակութային կրթության բնագավառներում՝ պետական նպատակային ծրագրերին համապատասխան.
- 21) մշակում է ծրագրեր միջազգային և հանրապետական մրցույթների, փառատոների, ցուցահանդեսների, ինչպես նաև՝ գիտաժողովների, համաժողովների և այլ միջոցառումների կազմակերպման ու անցկացման վերաբերյալ,
- 22) մշակութային քաղաքականության ապահովման նպատակով մասնակցում է պետական միասնական տեղեկատվական համակարգի ստեղծմանը.
- 23) Նախարարի, Նախարարի տեղակալների և Գլխավոր քարտուղարի հանձնարարությամբ՝ կազմակերպում է քաղաքացիների ընդունելությունը,
- 24) քննարկում է քաղաքացիների նամակները (դիմումներն ու բողոքները), նպաստում դրանցում արձարժված հարցերի լուծմանը,
- 25) համակարգում է նախարարության համագործակցությունը ՀՀ օրենսդիր և գործադիր մարմինների, տեղական ինքնակառավարման մարմինների, հասարակական ու այլ կազմակերպությունների, ստեղծագործական միությունների հետ, նպաստում շփումների ստեղծմանն ու զարգացմանը,
- 26) պարբերաբար ներկայացնում է հաշվետվություններ նախատեսված ծրագրերի և միջոցառումների կատարման ընթացքի մասին,
- 27) նախարարության կայքում տեղադրելու համար՝ պարբերաբար գլխավոր քարտուղարին է ներկայացնում տեղեկույթ Վարչության կողմից իրականացվող գործառույթների վերաբերյալ,
- 28) նախարարության կայքում տեղադրելու համար՝ պարբերաբար համակարգող նախարարի տեղակալին է ներկայացնում տեղեկույթ Ոլորտում ստեղծագործական ծրագրերի, միջոցառումների վերաբերյալ.
- 29) կազմակերպում և համակարգում է մասնագիտական խորհուրդների և հանձնաժողովների աշխատանքները, մշակում աշխատակարգեր, կազմում արձանագրություններ,
- 30) իրականացնում է օրենսդրությամբ Վարչությանը վերապահված այլ գործառույթներ: